

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-107/21
Vareš, 31.05. 2021. godine

Na osnovu člana 22. Statuta Općine Vareš (prečišćeni tekst), br. 01-162/12 od 11.09. 2012. godine, Općinsko vijeće Vareš, na 5. sjednici održanoj dana 31.05. 2021. godine, donosi

O D L U K U

o prenosu poslova i zadataka JU „Centar za kulturu i edukaciju“ Vareš koji se odnose na upravljanje i praćenje stanja na lokalitetu „Srednjovjekovnog kraljevskog grada Bobovac“ kao kulturno-historijske i prirodne baštine Općine Vareš.

Član 1.

Ovom odlukom utvrđuju se poslovi i zadaci koji se odnose na upravljanje i praćenje lokalitetom Srednjovjekovnog kraljevskog grada Bobovac kao i razvoju turističkih potencijala Srednjovjekovnog kraljevskog grada Bobovac i kulturno-historijske i prirodne baštine na području Općine Vareš.

Član 2.

JU »Centar za kulturu i edukaciju« obavljat će poslove i zadatke koji se odnose na upravljanje i praćenje stanja na lokalitetu Istorijskog područja – Srednjovjekovni kraljevski grad Bobovac kao i promociju i prezentaciju kulturno-historijske i prirodne baštine i razvoj turističkih potencijala općine Vareš, kao i:

- a) upravljanje, očuvanje i zaštitu Istorijskog područja - Srednjovjekovni kraljevski grad Bobovac i razvoj turističkih potencijala „Kraljevskog grada Bobovac“ kao kulturno-povijesnog područja sa izuzetnim turističkim potencijalom od posebnog značaja za Bosnu i Hercegovinu.
- b) suradnju sa općinskim organima uprave i organizacijama u osmišljavanju zaštite i unapređenja kulturno-povijesne i prirodne baštine Istorijskog područja- Srednjovjekovni kraljevski grad Bobovac
- c) suradnju sa kantonalnim, federalnim i državnim organima, organizacijama u oblasti zaštite i očuvanja kulturno-povijesne i prirodne baštine kao i nevladinim organizacijama u cilju zaštite, promocije kao i unapređenja turističkih potencijala Istorijskog područja- Srednjovjekovni kraljevski grad Bobovac.

- d) izradu prijedloga programa upravljanja sa prijedlogom neophodnih finansijskih sredstava na godišnjem nivou u obavljanju preuzetih poslova i zadataka na lokalitetu Srednjovjekovnog kraljevskog grada Bobovac.
- e) U okviru navedenih poslova i zadataka JU »Centar za kulturu i edukaciju« Vareš je obavezna redovno informirati općinskog načelnika i nadležne službe i dostavljati informaciju svakih šest mjeseci (polugodišnje).
- f) Sastavni dio Izvještaja o radu JU »Centar za kulturu i edukaciju« Vareš će biti i informacija o realizaciji programa upravljanja lokalitetom srednjovjekovnog kraljevskog grada Bobovac kao i stanju kulturno-historijske baštine i prirodnog naslijeđa na cijelokupnom području općine Vareš.

Član 3.

JU »Centar za kulturu i edukaciju« Vareš će kontinuirano raditi na prikupljanju i sistematiziranju vlastite baze podataka, formiranju foto-arhive i zbirke umjetnina, predmeta i dokumenata od posebnog kulturno-povijesnog značaja za općinu Vareš kao i širu društvenu zajednicu. Voditi brigu o pravilnom načinu čuvanja arhive, pisanih i printanih materijala, dokumenata, zbirke umjetnina i predmeta.

Član 4.

U okviru obilježavanja značajnih datuma, kao i tradicionalnih manifestacija, JU »Centar za kulturu i edukaciju« Vareš će promovirati kulturno-povijesnu baštinu kroz organiziranje muzičko-scenskih priredbi, predstava, umjetničkih performansa kao i umjetničkih galerija koje će okupljati mlade neafirmirane, kao i istaknute umjetnike.

Član 5.

Nadzor na realizaciji ove Odluke vršit će Služba za opću upravu, društvene djelatnosti i boračko-invalidsku zaštitu i Služba za prostorno uređenje, svako u okviru svojih nadležnosti.

Član 6.

Ova odluka stupa na snagu osmog dana od dana objavljivanja na općinskoj oglasnoj tabli.

**PREDSJEDAVAJUĆA
OPĆINSKOG VIJEĆA**

Mahira Brkić

Ova odluka objavljena je na oglasnoj tabli Općine Vareš dana 01.06. 2021. godine.

OPĆINSKI NAČELNIK

Zdravko Marošević

O b r a z l o ž e n j e

Odluke o upravljanju kulturno-historijskim i prirodnim naslijeđem

1. Pravni osnov

Pravni osnov za donošenje Odluke o upravljanju kulturno-historijskim i prirodnim naslijeđem sadržan je u članu 13. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06 i 51/09), i u članu 22. Statuta Općine Vareš - Prečišćeni tekst, broj: 01-162/12 od 11. 09. 2012. godine

Zakon o zaštiti kulturne baštine ZDK(„Sl.novine Zeničko-dobojskog kantona“ broj: 2/00) članom 49. stav 2. je propisano da „Kanton i općine sa područja kantona obezbjeđuju sredstva za redovnu djelatnost organizacija za zaštitu čiji su osnivač u okviru svojih budžeta“ a članom 50.stav 1. i 2. je propisano da „Kanton može pružiti bespovratnu finansijsku pomoć za zaštitu, korištenje i obnovu dobara baštine prve i druge kategorije iz sredstava Kantona, međunarodnih kredita, donacija i drugih izvora. Finansijsku pomoć iz prethodnog stava odobrava Vlada Kantona“.

Članom 61. Zakona je propisano da „općina u okviru samoupravnog djelokruga: obezbjeđuje sredstva za osnivanje i rad organizacija za zaštitu dobara baštine čiji je osnivač“.

2. Razlozi za donošenje

Osnovni razlog za donošenje Odluke je očuvanje i zaštita kulturno-historijskog i prirodnog naslijeđa na cijeloj teritoriji općine Vareš sa posebnim akcentom na očuvanje, zaštitu i upravljanje Istorijskog područja-Srednjovjekovni kraljevski grad Bobovac kao kulturno-historijskog i turističkog područja.

Ovakvim pristupom i kreiranjem zadataka i poslova u vršenju stručnih poslova koji se odnose na zaštitu kulturno-historijske i prirodne baštine stvaraju se objektivno preduslovi za kontinuirano praćenje stanja kulturno-historijske baštine, davanje prijedloga i inicijativa u cilju zaštite i očuvanja sa posebnim ciljem razvoja turizma i turističke ponude i razvoj lokaliteta srednjovjekovnog grada Bobovac, kao turističke destinacije.

Naravno, jedan od osnovnih zadataka je da se najvrjednija kulturna dobra zaštite, očuvaju i tako budu dostupna i budućim generacijama.

3. Finansijska sredstva

Za realizaciju ove Odluke nije potrebno planirati finansijska sredstva u budžetu Općine Vareš za svaku budžetsku godinu.

Predlažem da Općinsko vijeće Vareš prihvati prijedlog ove odluke u predloženom tekstu.

PREDLAGAČ:
OPĆINSKI NAČELNIK
Zdravko Marošević